



ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

29 հուլիսի 2026 թվականի թիվ 89-Ա

ք. Երևան

«ՀԻՐՐԻԴ ՍՈԼՅՈՒՇՆՍ» ՍՊԸ ԸՆԿԵՐՈՒԹՅԱՆ ՏԵՍԱԼՍՈՂԱԿԱՆ ԾՐԱԳՐԻ ԾԱՆՈՒՑՈՒՄԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տեսալսողական մեդիայի մասին» օրենքի 49-րդ հոդվածի 1.1 մասի և 54-րդ հոդվածի 1-5-րդ մասերի դրույթներով և հիմք ընդունելով «ՀԻՐՐԻԴ ՍՈԼՅՈՒՇՆՍ» ՍՊԸ ընկերության 2026 թվականի հուլիսի 9-ի՝ տեսալսողական ծրագրի վերաբերյալ ծանուցումը՝ Հեռուստատեսության և ռադիոյի հանձնաժողովը **որոշում է**.

1. Հաստատել «ՀԻՐՐԻԴ ՍՈԼՅՈՒՇՆՍ» ՍՊԸ ընկերության տեսալսողական ծրագրի վերաբերյալ ծանուցումը՝ համաձայն Հավելվածի՝ արձանագրելով, որ «PLAYBOY TV EUROPE» տեսալսողական ծրագիրն առանց ժամային սահմանափակումների կարող է տարածվել սպառողների կողմից այդ հաղորդումների հասանելիության արհեստական արգելքի (կողի) ներդրման տեխնիկական հնարավորության առկայության դեպքում:

2. Սույն որոշումն ուժի մեջ է մտնում «ՀԻՐՐԻԴ ՍՈԼՅՈՒՇՆՍ» ՍՊԸ ընկերությանը պատշաճ իրազեկելու օրվան հաջորդող օրվանից:

3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հեռուստատեսության և ռադիոյի հանձնաժողով կամ Հայաստանի Հանրապետության վարչական դատարան:

ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ

Տ. ՀԱԿՈՔՅԱՆ

Տեսալսողական ծրագրի անվանումը	Ժամկետը
PLAYBOY TV EUROPE	պայմանագրի գործողության ժամկետով